

詞

綜

補

遺

詞綜補遺卷七

長洲 陶 樑 緝

宋詞七十三首

韓 澆 二十九首

游次公 二首

范智聞 一首

王 嶠 二首

李 億 三首

鄔文伯 一首

周文璞 一首

王居安 一首

高似孫 三首

姜特立 一首

王自中 一首

俞 灝 一首

朱晞顏 一首

魏了翁 二十一首

留元剛一首

傅大詢一首

王 琳一首

黃巖叟一首

韓

澆

字仲止元吉之子世居開封南渡後流寓信州因隸籍上饒有高節從仕不久卽歸嘉定

中卒有澗泉

詩餘一卷

戴復古石屏集挽韓仲止詩云雅者不同俗休官二十年隱居溪上宅清酌澗中泉糠粃商時事淒涼絕筆篇三篇遺藁在當並史書傳自註云時事驚心得疾而卒作所以商山人所以桃源人所以鹿門人三詩蓋絕筆也

柳梢青

雲淡秋空一江流水烟雨濛濛岸轉溪回野平水遠幾點征鴻 行人獨倚孤蓬算此景如圖畫中莫問功名

且尋詩酒一棹西風

賀新郎

病起情懷惡小簾捲楊花墜絮木陰成幄試問春光今  
幾許都把年華忘却更多少從前盟約擬待鶯遷尋好  
語恍殘紅零亂風迴薄思往事信如昨 清明寒食須  
行樂算人生何時富貴自徒蕭索試著春衫從酒伴亂  
插繁英嫩萼信莫被功名擔閣隨分溪山供嘯傲這一  
身閑處誰能縛琴劍外盡杯酌

浣溪沙

中明命作豔曲

寶鴨香銷酒未醒錦衾春暖夢初驚鬢雲掩亂玉釵橫

半怯夜寒褰繡幌尚餘嬌困別銀燈粉痕微褪臉霞  
生

又夜飲潘舍人家有客攜家妓來歌

小雨初晴作社寒月嬌花院篆香殘杏腮桃臉黛眉彎  
歌拂燕梁牽客恨醉臨鸞鏡怕人看良宵春夢遶屏

山

烏夜啼 和吳子似

春濃人靜倦遊嬉烟雨戰棠梨翠徑亂紅無數頻啼枝  
上黃鸝 小園流水濺濺處綠徧謝家池怨月恨花滋  
味淚痕猶染羅衣

臨江仙 閨怨

脆管繁絃無覓處，小樓空掩。遙山柳絲直下，曲闌干海  
棠紅欲褪。玉釧怯春寒。 殢酒不成，芳信斷，社寒新燕。  
呢喃雕盤慵整，寶香殘綺，疏明薄暮，簾外雨潺潺。

眼兒媚

東風拂檻露猶寒，花重溼闌干。淡雲殢日，晨光微透，簾  
幕香殘。 陰晴不定，瑤階潤，新恨覺心闌。憑高望，斷綠  
楊南陌，無限關山。

江神子

雪消霜入小溪舟，試浮游。上山頭。薄薄寒煙，依舊未全

詞話補遺卷十一  
三  
收問道梅花開也未吟不盡一生愁 襟懷如此老還  
休嬾凝眸轉深幽詩罷一眉新月又如鉤臘後春前村  
意遠回棹穩水西流

臨江仙

羅帳畫屏新夢悄綠窗慵起香殘重簾生怕倚闌干春  
風吹玉水春雪滿靈山 梁燕未來歸雁動海棠纔帶  
紅酣酒愁花恨霎時閒煙雲催薄暮煙雨溼輕寒

蝶戀花

野趣軒看玉色木犀

斜日清霜山薄暮行到橋東林竹疑無路小院橫窗香  
暝霧膽瓶曲几花如雨 細酌心情因少駐九萬剛風

寒影吹瓊素不是月宮那有許霓裳舞徹凌波步

小重山

點染煙濃柳色新小桃紅映水色初勻露收芳徑草鋪  
茵凝情久風淡起輕塵梁燕已爭春折花閑伴酒試  
濡脣流鶯何處語聲頻闌干曲峰蝶更隨人

感皇恩

急管度青枝醉眠芳草雲斷巫陽夢能到乍醒餘困晴  
影暗移紗帽舊時閑意思都忘了今歲春遲去年春  
早點點繁紅又多少惜春歸酒酒病翻成惱數聲啼鳥  
喚人驚老



又

詩社酒徒閑。村村花柳月榭風亭。更霞牖臨春結綺。又是那回時候。不禁中夜雨。相俛悠。弄藥攀條爲尋芳。酒一斗誰能問。千首江南雲夢空。說氣吞八九。持杯人共我能吟否。

好事近

一澗水南山。臘盡春生梅雪。行過小橋深處。帶疏鐘橫月。征衫閑著指東吳。休怕與人別。吟到翠圓枝上。是歸來時節。

謁金門

春尚早春入湖山漸好人去人來春未老酒徒猶恨少  
梅落桃開煙島日日更吹香草一片芳心空醉倒冷  
雲藏落照

阮郎歸

客有舉詞者因以其韻賦之

小樓秋霽碧闌干中人初薄寒霜風吹我到湖山平林  
斜照殘空澗裏有無閒牽蘿翠袖閑籃輿與盡卻愁  
還斷腸歌未闌

浣溪沙

錦瑟瑤琴續短絃璧堂初過牡丹天玉鈎斜壓小珠簾  
睡鴨爐溫吟散後雙鴛屏掩酒醒前一番春事怨呢

鷓鴣

又

春入疏絃調外聲  
雪雲初霽帶湖清  
屏溫香軟綺窗深  
山倚虛寒情淡淡  
水流輕淺韻泠泠  
斷魂醒處夢難憑

謁金門

雲外月畫出一痕清  
絕梅已飄零  
桃未發帶湖煙水濶  
汀渚尚留微雪  
不恨酒融歌歇  
老我多情膠漫結  
半醒空自說

生查子

晴色入青山更見飛花晚不是不登臨自是心情懶  
試壁小紅牋與寫天涯怨杜宇一聲春樓下滄波遠

桃源憶故人

杏花雨裏東風峭不比尋常開了枝上飛來多少人與  
春將老 山城燈火笙簫杳夢到十洲三島睡覺綺窗  
清曉綠徧池塘草

浣溪沙

沙溪小飲

一抹青山拍岸溪  
麥雲將過笱初齊  
不知何處水流西  
小閣路頭吾欲醉  
短篷船尾客同攜  
酒邊華髮更題

詩

又次韻尹一

水遠孤村客路賒  
一樓風雨角巾斜  
舉觴無復問煎茶  
夜靜曲聲初噴竹  
酒深燭影細吹花  
明朝飛鷺起圓沙

菩薩蠻

次韻

人閒多少閑風度  
薄情失記相逢處  
綠鬢畫鴉兒  
舊巢雙燕棲  
舞衫回素玉  
檀板聲何促  
一抹晚霞飛  
淚痕無臉嚙

浣溪沙

戲成寄李好謙

彩筆新題字字香  
雁來時候燕空梁  
芙蓉無處著秋光

人遠山長言外意  
山傳書恨醒時粧倩誰閑  
寄水雲

鄉

蝶戀花 次韻鄭一

千葉香梅春在手  
日薄簾櫳花影遮前後  
小立徐行還  
易久微吟莫厭傷杯酒  
拾翠流紅絃管透  
望斷青青  
休問行人柳往事  
如雲如夢  
否連天芳草  
驚依舊

點絳脣 王園

南陌柔桑粉墻低  
見誰家女燕飛鶯語依約提籃去  
老覺多情夢也無  
分付君知否  
楚襄何處一段陽臺雨

浣溪沙 爲仲如賦茉莉

言第 十  
一  
滴滴瓊英發翠綃  
江梅標韻木香嬌  
乍涼時候漏聲遙  
欲絕髻口粧未了  
曲回身分曲初招  
霓裳依約夢魂

飄

又 小集澗亭

雨閣雲雷小院秋  
半醺涼意不關愁  
一番相見一番休  
淡佇乍持杯未淺  
嬾歌渾罷笑初收  
主賓無處著綢

繆

游次公

字子明號西池建安人定夫諸孫禮部侍郎  
操之子范成大帥桂林以文章見知叅內幕

有唱酬

詩卷

劉仙倫招山小集  
野江驛舍中有婦人書一  
憶字筆勢頗姿媚游于明王相之皆題其後

率余同賦

賀新郎

見歷代詩餘

斗柄回秋律素蟾飛水霜萬里滿川金碧得月偏多何  
處是惟有橋東第一正野迴西風寒寂丹桂婆娑踈影  
在想微瑕未累千金璧河漢遠淡無跡知君有句酬  
佳夕儘高歌胡牀自倚露溥珠溢坐列參橫星欲闔隱  
隱天低似笠但絡緯悲啼催織吟詠淒涼翻有恨諒知  
音又遠空追憶誰爲置鄭莊驛

又

暖靄浮晴縹鎖垂楊籠池罩閣萬絲千縷池上曉光分



宿霧日近羣芳易吐尋並帶闌干疑竚不信釵頭飛鳳  
去但寶刀被妾還留住天一笑萬花如阿嬌正好金  
屋貯正西風易得蕭疎扇鸞塵土一自昭陽扃玉戶牆  
角土花無數况多病堪傷幽素別院時聞簫鼓奏望紅  
雲冉冉知何處天尺五去無路

范智聞

按劉子翬屏山集有同范智聞五月十四夜  
賞月詩

西江月 贈人博山 見樂府雅詞拾遺

紫素全如玉琢清音不假金粧海沈時許試芬芳髣髴  
雲飛仙掌 煙縷不愁雲斷寶釵還與商量佳人特特

爲翻香圖得氤氳重上

王

嶠

字季夷號貴英北海人寓居吳興書錄解題云紹淳間名士有北海集

按陸放翁劔南集有與陳魯山王季夷從兄仲高重九日游禹廟詩

祝英臺近

見陽春白雪

柳煙濃花露重合是醉時候樓倚花梢長記小垂手誰  
教釵燕輕分鏡鸞慵舞是孤負幾番春晝 自別後聞  
道月底花前多是兩眉皺又說新來比似舊時瘦須知  
兩意長存相逢終有莫謾被春光倂慙

夜行船

見絕妙好詞

曲水濺裙三月二馬如龍鈿車如水風颺游絲日烘晴

畫人共海棠俱醉 客裏光陰難可意 埽芳塵舊游誰  
記醒來不覺小窻人靜春在賣花聲裏

李億

號草堂

後邨千家詩有李億詠柳絕句云倚岸依依  
一兩株溪風吹影暮煙疎青條拂水長如線  
釣叟折來穿白魚

菩薩蠻

見陽春白雪

畫樓酒醒春心悄 殘月悠悠芳夢曉 嬌汗浸低鬟 屏山  
雲雨闌 香車河漢路 又是匆匆去 鸞扇護明粧 含情  
看綠楊

念奴嬌

鏡鷺分影望天涯腸斷悄無紅葉幾度秋風吹翠被一  
縷幽香難滅燕卜新巢花移別檻回首春如客歡情何  
在綠楊空鎖愁色 可是今古風流小喬姝麗只許周  
郎得金谷珠簾空百尺不得夢魂飛入釵股盟深舊緣  
未斷月有重圓日藍橋路近乘雲先問消息

徵招

梅

翠壺浸雪明遙夜初疑玉虬飛動暮弄紫簫吹墮寒瓊  
驚夢把紅爐對擁怕清魄不禁霜重愛護殷勤待長留  
作道人香供 塵暗古南州風流遠誰尋故枝么鳳謾  
舉目銷凝對愁矇矓向霞扉月洞且嚼蕊細開春瓊這

奇絕好喚蒼髯與竹君來共

鄔文伯

趙汝鐸野谷詩集有臨川縣治古桂兩大株  
與葉潛仲鄔文伯飲花下詩又鄔文伯歸自  
邵陽云賓主西游久廣詩日日傳交情誰似  
此歸興忽翩然楚岸猿吟樹湘江月載船我  
窮君更甚相助媿無錢

翻香令

見陽春白雪

醉和春恨拍闌干寶香半爇倩誰翻丁寧告東風道小  
樓空斜月杏花寒 夢魂無夜不關山江南千里霎時  
間且留得鸞光在等歸時雙照淚痕乾

周文璞

字晉仙號方泉又號野齋又號山  
樵陽毅人有方泉先生集二卷

張端義貴耳集野齋周晉仙嘗語余曰花間集祇有五字絕佳細雨濕流光景意俱微妙野齋灌口二郎歌聽歐陽琴行金銅塔歌不減賀白

一剪梅

見絕妙好詞

風韻蕭疎玉一團更著梅花輕裊雲鬟這回不是戀江南只爲溫柔天上人間賦罷閒情共倚闌江月庭蕪總是銷魂流蘇斜掩燭花寒一樣眉尖兩處闕山

浪淘沙

附見張雨貞居詞

還了酒家錢便好安眠大槐宮裏著貂蟬行到江南知是夢雪壓漁船盤礴古梅邊也是前緣驚黃雪白又醒然一事最奇君聽取明日新年

王居安

字資道一字東卿台州黃巖人淳熙十四年進士累遷右司諫兼崇政殿說書權工部侍郎

帥隆興府與湖南漕帥曹彥伯同平峒

寇升龍圖閣直學士卒贈少保有方巖集

吳子良序公之文明白夷暢絕類其胸襟詩

尤圓安曠遠嘗有句云高下水痕原自定後

先花信不須催公於出處去就此二語可以

占矣

釋居簡北磻詩集方巖王侍郎江西破賊歸

小舟迫窄自笑曰今爲摺疊侍郎矣

龍洲道人小集送王東卿歸天台詩枚數人

才難倒指有如公者更東歸班行失士國輕

重道路不言心是非載酒青山隨處飲談詩

玉塵爲誰揮歸期趁得春風早莫放梅花一

片飛又云于岩萬壑天台路一日分爲兩日

程事可語人酬對易面無慙色去留輕放開

筆下閒風月收斂胸中舊甲兵世事看來忙

不得百年到手是功名

滿江紅

見陽春白雪外集

八十歸來方崑下幾竿修竹柴門外沙鋪軟路水流清  
玉栽接新來桃與李安排舊日松和菊過小橋作箇看  
山樓千峰綠收筆硯藏碁局酒莫飲經須讀但平平  
放下頓超凡俗獨睡已無年少夢閑吟不唱他家曲算  
人生萬事苦無多相將足

高似孫

字續古餘姚人淳熙十一年進士歷  
官校書郎出守處州有疎寮小集

癸辛雜識高疎寮守括日有籍妓洪渠慧黠  
過人一日歌真珠簾詞至病酒情懷猶困嬾  
使演其聲若病酒而困嬾者極稱賞之適有  
客曰卿自用卿法高因視洪曰吾亦愛吾渠  
遂與落籍而去

陳振孫書錄解題似孫爲館職時上韓侂胄  
生日詩九首每首皆暗用錫字寓九錫之意  
爲清議所不齒知處州尤貪酷其讀書以奧



僻爲博以怪澀爲奇至有甚可笑者就中詩猶可觀

鶯啼序

屈原九歌東皇太一春之神也其詞凄怨含意無盡畧采其意以度春曲

見陽

春白雪

青旗報春來了玉鱗鱗風旄陳瑤席新奏琳瑯窈窕來  
薦嘉祉桂酒洗瓊芳麗景暉暉日夜催紅紫湛青陽新  
沐人聲澹蕩花裏光汎崇蘭坼遍桃李把深心料理  
共携手蘅室蘭房奈何新恨如此對佳時芳情脈脈眉  
黛蹙羞拳瓊珥折微馨聊寄相思暮愁如水青蘋再  
轉淑思菲菲春又過半矣細雨濕香塵未曉又止莫教  
一鷓無聊羣芳疊疊傷情漠漠淚痕輕洗曲瓊桂帳流

蘇暖望美人又是論千里佳期杳渺香風不肯爲媒可  
堪玩此芳芷春今漸歇不忍零花猶戀餘綺度美曲  
造新聲樂莫樂此新知思美人兮有花同倚年華做了  
功成如委天時相代何日已悵春功非與他時比殷勤  
舉酒酬春春若能留口還自喜

金人捧露盤

送范東叔給事帥維揚

下明光違宣曲上揚州玉帳暖十萬貔貅梅花照雪月  
隨歌吹到江頭牙檣錦纜聽雁聲夜宿瓜洲南山客  
東山妓葡萄酒鷓鴣裘占何遜杜牧風流瓊花紅藥做  
珠簾十里遨頭竹西歌吹理新曲人在春樓

眼兒嬌

翠簾低護鬱金堂猶自未收粧梨花新月杏花新雨怎  
奈昏黃 春今不管人相憶欲去又相將只銷相約與  
春同去須到伊行

姜特立

字邦傑麗水人靖康中父緩殉難補承信郎  
淳熙中遷閣門舍人充春坊官光宗卽位除  
知閣門事恃恩無忌爲留正所論奪職寧宗  
朝拜慶遠軍節度使有梅山續稿詞一卷  
按周密武林舊事姜特立與曹邈周端臣同  
爲御前應制

蝶戀花

送妓

見歷代詩餘

飄粉吹香三月暮病酒情懷愁緒渾無數有箇人人來  
又去歸期有恨難留住 明日尊前無覓處伊軋藍輿

只向雙溪路我輩情鍾君漫與爲雲爲雨應難據

王自中

字道甫平陽人淳熙中登進士乙科官懷寧主簿分水令以中書舍人王藺薦遷郢州通判知光化軍光宗朝召爲郎固

辭命知信州再知邵州興化軍

酹江月

題釣臺

見歷代詩餘

扁舟夜泛向子陵臺下偃帆收櫓水濶風搖舟不定依  
約月華新吐細酌清泉痛澆塵臆喚起先生語當年綸  
釣爲誰高卧煙渚還念古往今來功名可共能幾人  
光武一旦星文驚四海從此故人何許到底軒裳不如  
蓑笠久矣心相與天低雲淡浩然吾欲高舉

俞

灝

字商卿世居杭紹熙四年進士開禧議開邊政府密引灝畫計灝言輕脫寡謀之人不可

用趙良嗣張覺往轍可鑿厯乘麾節皆有聲  
寶慶二年致仕築室九里松自號青松居士

有青松

居士集

按姜夔白石道人集有與俞商卿同寓新安  
及歸載梁溪道經吳淞諸詞商卿後歸吳興  
白石追憶西湖燕游情事復作角招寄之商  
卿工詩平居與張平甫葛天民白石翁往來  
酬唱爲一時勝流所企羨不僅以功名自見  
也

點絳脣

見絕妙好詞

欲問東君爲誰重到江頭路斷橋薄暮香透溪雲渡

細草平沙愁入凌波步今何許怨春無語片片隨波去

朱晞顏

字子困新安人慶  
元中廣西漕使

粵西詩載有子困慶元改元寒食日陪都運  
寺丞游白龍洞詩云小溪漱碧響潺潺路入

龍宮杳靄間佳節漫添新白髮故人賴有舊  
青山花朝幾共湘南醉萍跡何年嶺北還歸  
路聯鑣紅日晚多慚龍卧白雲間

南歌子

口口桂林過口口玉堂仙景盧餞別野處

壁間歌姬所作墨竹上有同年傳景仁長  
短句走筆次韻既抵嶠南回首野處後會之  
期未卜也因鏤石湘灘江上以寓萬里之思  
云紹熙五年清明後二日見臨桂水洞  
石刻按景盧洪邁字

影落三秋月寒生六月霜是誰幻出玉簪簪乞與一枝

和雪釣灘湘勁節依琳館虛心陋草堂筆端元自有

雌黃疑是化龍蜚到葛仙旁

魏了翁

字華父號鶴山邛州蒲江人慶元五年進士  
理宗朝累官簽書樞密院事改資政殿學士

福州安撫使卒贈太師謚  
文靖有霍山長短句三卷

朝中措

和趙黎州陪李參政壁遊醴泉西園

沙堤除道火成城換得午橋清  
寒色般添酒令野芳抵  
當劔羹 松馨花氣岸容山  
意浦思溪情誰記一時勝  
引坐中喜得閑平

臨江仙

上元放燈約東妓前燈火

怪見江鄉文物地輕豪爭逐  
春妍銀花斜鞦紫金鞭千  
燈渾是淚一笑不論錢  
今歲遨頭窮相眼繁華不學  
常年只余底事索人憐  
詩書真氣味農扈老風煙

又

西園海棠同日李提刑至有詞因次韻

腳踏西郊紅世界才知春意  
分明不須更說錦官城春

求遊冶騎得得爲渠停 待到花眠人且去酒盃苦欲  
留行直須醉飲到參橫不因歌白雪三日作狂醒

念奴嬌 鮮于安撫勸酒

固陵江上暮雲急一夜打頭風雨催送春江船上水笑  
指口山歸去靴帽叢中漁樵席上總是安行處惟餘舊  
話爲公今日拈取 見說家近岷山翠雲平楚萬古青  
如故要把平生三萬軸喚取山靈分付廬阜嵩高睢陽  
岳麓會與岷爲伍及時須作鬢邊應未遲莫 頃得手帖  
曾及此故  
云

鷓鴣天

送宇文侍郎知漢州勸酒



尚憶都門祖帳時重來動是十年期雲拖暮雨留行色  
露挾秋涼入酒卮湖上雁水邊犀未須矯首嘆來遲  
北風滿地塵沙暗宣室方勞丙夜思

滿江紅

李提刑丞生日

秋意冷然對宇宙一尊相屬君看取都無凝滯天機純  
熟水拍池塘鴻雁聚露濃庭院芝蘭馥笑何曾一事上  
眉頭縈心曲興不淺船明玉人更健中橫幅問人關  
底處升沉遲速氣壓晴岩紅半吐眼明平楚雲相逐但  
年年屈指問西風芻蕘新醪

清平樂

卽席和李參政壁白笑花

藍田玉種爲我酬清供香壓冰肌猶怕重更倩留仙裙  
捧 看花美倩偏工舉花消息方濃此笑知誰領解無  
言獨倚東風

又 次韻李提刑歪白笑詞并呈李參政

誰分天種來上花鬢供綠葉青雲姿雅重那得愁心頻  
捧 他花自是無工不關香淡香濃才問爲誰含笑盈  
盈靴面敲風

朝中措

和劉左史光祖人日遊南山追和去春詞韻

天公只解作豐年不相冶遊天小隊春旗不動行庖晚  
突無煙 吟鬚撚斷寒爐撥盡雁自天邊喚起主人失

笑寒灰依舊重然

公所論聖息日事凡歷二十年而所上疏亦半年餘才見施行故云

江城子

劉左史光祖別席和韻

一襟滿貯梓城春  
笑聲頻筆揮銀自有江山長是管將  
迎不似如今歸去客  
雲外步水邊身  
蕭然今代傑魁  
人混光塵越精神  
不把浮雲軒冕拂  
天真化洽堂邊應  
創見人物舊榜顏新

又

約劉左史光祖謝會再和

如公何地不陽春  
往來頻醉傾銀闥  
道河陽童稚正懽  
迎  
移向德威堂上著  
疑潞國是前身  
行人還又送行  
人  
夜無塵對丰神  
自古心知別語轉情真  
須信人生歸

去好三徑舊四時新

西江月

夢中作覺後渾能記省獨欠第五句因足成之曉起大雪

一段同雲似練更無剩幅閑邊玉娥不怕五更寒剪就  
飛花片片酒裏吟邊競爽枝頭葉底爭妍入春無物  
不芳鮮只我依然顏面

朝中措

次韻同官約叔兄及楊仲博約賞郡園牡丹并遣酒代勸

玳筵綺席綉芙蓉客意樂融融吟罷風頭掃翠醉餘日  
脚沉紅簡書伴我賞心無託笑口難逢夢草閑眠暮  
雨落花獨倚春風

賀新郎

次韻費五十九丈題秋山閣有感時事

露下垂天宇倚闌干相思都在月華生處扶木原高三  
千丈不分閒雲無數謾轉却人間朝暮萬古興亡心一  
寸只涓涓日夜隨流注奈與世不同趣 齊封冀甸今  
何許百年間欲招不住欲推不去閘斷河流嶂海水未  
放游魚圍圍嘆多少英雄塵土挾客憑高西風外問舉  
頭還見南山否花爛漫草蕃庶

臨江仙 再和四年前遂寧所賦韻

一點陽和渾在裏時來爾許芳妍春風吹上醉痕邊雋  
歡欺淺酌清晤失佳眠 聊把繁華開笑口須臾雨送  
風般因花識得自家天炯然常不夜活處欲生煙

水調歌頭

過凌雲和太博張方韻

千古蛾眉月照我別離杯故人中歲聚散脈脈若爲懷  
醉帽三更風雨別袂一簾山色爲放笑眉開握手道故  
舊抵掌論人才 山中人竈問婢亦驚猜江頭新漲催  
散欲去重裴回世事絲絲滿鬢歲月匆匆上面渴夢肺  
生埃酒罷聽客去公亦賦歸來

卜筭子

李季允重約登鄂州南樓卽席次韻

携月上南樓月已穿雲去莫照蛾眉最上峯同在峯前  
住 東望極青齊西顧窮商許酒到憂邊總未知猶認  
胡牀處

又李季允重同總漕載酒口湖相送卽席再和

能得幾時留王事催人去翠蕩涵空酒滿船苦要留人  
住身世兩悠悠飄泊知何許但得心親志合時都是  
相逢處

鷓鴣天

范靖州良輔生日十月二十一日交十一月節

誰把塔璣運化工參旗又挂玉梅東三三律琯聲餘亥  
九九元經卦起中 新歲月舊遊從一觴還似去年冬  
人問事會無終極分付翹關老令公

郭令公以武舉翹關貢米科

唐多令

別吳毅父趙仲權史敏叔朱擇善

朔雪上征衣春風送客歸萬楊花數點榴枝春事無多

天不管教爛漫任離披 開謝本同機榮枯自一時  
筭天公不遣春知但得溶溶生意在隨冷煖鎮芳菲

八聲甘州

被西風吹不斷新愁吾歸欲安歸望秦雲蒼淡蜀山渺  
潏楚澤平漪鴻雁依人正急不奈稻梁稀獨立蒼茫外  
數遍群飛 多少曹苻氣勢只數舟慘葦一局枯棋更  
完顏何事花玉困重圍筭眼前未知誰恃恃蒼天終古  
限華夷還須念人謀如舊天意難知

留元剛

字茂潛永春人嘉定間  
直學士院有雲麓集

四朝聞見錄真文忠留茂潛俱以宏博應選  
真爲名卿留以使酒任氣爲言者屢以聞然



該敏貫洽近代相門子弟未有也先是永嘉  
劉錫祖父掩據羲之墨池且百年後爲世僕  
所發公斷其廬得池于劉卧內劉氏遂衰其  
臨政操斷皆類是方若王公簡復士人周儀  
甫書云納去茂潛書雖儀甫不待老夫之囑  
茂潛永嘉之政若干將莫邪新發於硯切不  
可干之以私又云近來墨池事最偉

滿江紅

泛舟武夷午炊仙遊館次呂居仁韻  
見陽春白雪外集

風送清篙泐流沂武夷九曲回首處虹橋無復幔亭遺  
屋翠壁雲屏臨釣石銀河雪瀑飛寒玉想當年鐵笛倚  
林吹秋空綠 寒荇帶搯筇竹披荷芰餐椒菊問丹崖  
碧嶺底堪重辱青笈不妨娛老眼烏鞦未許污吾足恰  
仙遊一枕夢醒來胡麻熟

傅大詢

字公謀  
宜春人

鶴林玉露宜春傅公謀詞云云此詞清甚未  
句尤達可歌也許及之爲分宜宰公謀作賀  
兩詩及之擊節公謀尤工作酸文嘗作無遮  
榜語云紅旗渡口婁涼芳草夕陽天白帝山  
頭慘淡落花寒食節甚工

水調歌頭

草草三間屋愛竹旋添栽碧紗窗戶眼前都是翠雲堆  
一月山翁高卧踏雪水村清冷水落遠山開惟有平安  
竹留得伴寒梅 家童開門看有誰來客來一笑清話  
煮茗更傳杯有酒只愁無客有客又愁無酒酒熟且徘徊  
猶明日人間事天自有安排

王

楙

字勉夫其先福清人徙平江遂爲長洲人隱居養母杜門著書時稱講書君卒葬吳縣橫

山先壙之側有野客叢書

二十卷巢睫藁筆五十卷

野客叢書張子野晚年多愛姬東坡有詩曰

詩人老去鶯鶯在公子歸來燕燕忙正均用

當家故事也僕嘗爲張儀真壽有一詞云云

江南好

三傑後福壽兩無涯食乳相君功未旣嫵眉京兆眷方

滋富貴莫推辭門兩戟却掉一綸絲葦菜秋風鱸膾

美桃花春水鰕魚肥笑傲霽溪澗

黃巖叟

按葛天民無懷小集中有上已呈黃巖叟詩  
無懷與紫芝白石友善巖叟與之往還亦江

湖知名之士也

望海潮

見陽春白雪

梅天雨歇柳堤風定江浮畫鷁縱橫羸女弄簫馮夷伐  
鼓雲間鳳咽鼉鳴波面走長鯨捲怒濤來往攬碎滄溟  
兩岸遊人笑語羅綺間簪纓靈均逝魄無憑但湘沉  
一水到底澄清菰黍萬家絲桐五彩年年弔古深情錦  
織片霞明使摻舟妙手翻動心旌向晚魚龍戲罷千里  
浪花平

詞綜補遺卷七

詞綜補遺卷八

長洲 陶 樾 緝

宋詞五十六首

劉學箕 十七首

張端義 一首

趙 軾 一首

張 潞 一首

趙希邁 二首

劉 翰 七首

方信孺 一首

程公許 四首

吳 淵 三首

李 劉 一首

王 邁 二首

鄭清之 一首

姚 鏞 一首

周 弼 二首

韓 嚶 六首

邵 博 一首

楊 纘 三首

余 玠 一首

留元崇 一首

劉學箕

字習之自號種春子崇安人子翬之孫璉之子隱居不仕有力是閑居士小藁二卷

劉叔通云居士詩摩香山之壘詞拍稼軒之肩

憶王孫 清明病酒

淑景韶光晴畫簾外雨欲無還有流鶯枝上轉新聲夢  
初醒厭厭病酒 天連碧草凝情久思舊事不堪搔首  
懷人有恨水雲深又綠暗橋西柳

戀繡衾

閨怨

風翻柳絮高下飛  
雨籠晴香徑尚泥  
女伴笑踏青好鳳  
釵偏花壓鬢垂  
亂鶯雙燕春情緒  
攪愁心欲訴向誰  
人問道因誰瘦  
慙青梅開欲黛眉

惜分飛

柳絮

池上樓臺堦上路  
盡日悠揚飛舞  
欲下還重舉  
又隨胡蝶墻東去  
參徑飄空無定處  
來往綠窗朱戶  
卻被春風妬  
送將蛛網留連住

浣溪沙

木犀

天上仙人萼綠華  
何年分種小山家  
九秋風露溢窗紗  
密密翠羅攢綠葉  
團團黃粟刻金花  
一枝歸插鬢雲



斜

賀新郎

白牡丹京師妓李師師也畫者曲盡其妙因賦之

午睡鶯驚起鬢雲偏鬢鬆未整鳳釵斜墜宿酒殘粧無  
意緒春恨春愁似水誰共說厭厭情味手展流蘇腰支  
瘦嘆黃金兩鈿香銷臂心事遠仗誰寄衝簾漸是槐  
風細對梧桐清陰滿院夏初天氣回首春空梨花夢屈  
指從頭暗記怨薄倖拋人容易目斷孤鴻沉雙鯉恨蕭  
郎不寄相思字幽恨積黛眉翠

又

近聞口口衰亂諸公未有勸上修飭內治以待  
外攘者書生感憤不已用辛稼軒金縷詞韻述  
懷此詞蓋驚鷺林寄陳同父者詞險甚稼軒  
自和凡三篇語意俱到捧心效顰輒不自揆

同志毋以其虛而廢其言

往事何堪說念人生消磨寒暑設營裘葛少日功名頻  
看鏡綠鬢髻髻未雪漸老矣愁生華髮國恥家仇何年  
報痛傷神遙望關河月悲憤積付湘瑟人心未可隨  
時別守忠誠不替天意自能符合誤國諸人今何在回  
首怨深刺骨歎南北久成離絕中夜聞雞狂起舞袖青  
蛇戛擊光磨鐵三太息皆空裂

念奴嬌

次人韻

斷虹開霽淨秋容點點初收微雨夕下生陰山影淡縹  
渺煙雲吞吐烏帽風偏青鞵沙軟誤入桃谿塢多情鷗

鷺偶來忽又飛去 日暮脩竹佳人霧綃瓊佩綽約疑  
仙侶媿我禪心春盡絮不逐東風飛舞紅葉題詩紫雲  
傳恨密意渠能訴此情疎隔不關樓外煙樹

菩薩蠻

暮濤掀浪溪流急單衣未試春寒力是處綠陰穠春深  
楊柳風 人依溪岸住酒美忘歸去巢燕墮芹泥幽禽  
花外啼

醉落魄 川范石湖韻

江頭離席晚潮雙檣催行色往來屬玉雙飛白笑我多  
情猶作未歸客 紅塵奔走何時息歸心還似投林翼

角巾醉裏從敲側獨立東風天際露岑碧

鷓鴣天

發舟安康朋遊見留往復三用韻

芳草萋萋入眼濃一年花事又匆匆吐舒桃臉今朝雨  
零落梅粧昨夜風雲接野水連空畫欄十二倚誰同  
兩眉新恨無分付獨立蒼苔數點紅

又

夢繞天涯去意濃客愁春恨兩匆匆綠波初漲桃花浪  
畫鷁輕隨柳絮風無筆力判虛空關山千里兩心同  
魚書雁字多休問只看啼痕翠袖紅

又

山色都如歸興濃春融融處客匆匆岸花影裏鶯吟霧  
江閣陰中燕受風 凭畫檻睇層空情衷待說幾時同  
不如且盡尊中醪圖得醺醺醉臉紅

菩薩蠻

杏花

昨日杏花春滿樹今晨雨過香填路零落軟塵支濕紅  
無力飛 轉頭春易去春色歸何處待密與春期春歸  
人也歸

眼兒嬌

十年不見柳腰支契濶幾何時天遙地遠秋悲春恨只  
在雙眉 雁聲今夜樓西畔情懷渺難期杏花風景梧

桐夜月都是相思

桃源憶故人

莫霞散綺西溪浦  
天上晴雲閒絮清  
絕梅花幾樹惱亂  
春愁處  
小橋流水人來去  
沙岸浴鷗飛鷺  
誰畫江南  
好處著我閑巾履

糖多令

登多景樓

何處浣離憂  
消除許大愁  
望長江  
衮衮東流  
一去鄉關  
能幾日  
纔屈指  
又中秋  
蘆葉滿汀洲  
沙磯小艇收  
醉歸來  
明月江樓  
欲把情懷  
輸寫盡  
終不似少年遊

烏夜啼

夜泊揚子江

長亭急管生愁楚天秋落日寒鴉飛盡水悠悠 紅蓼

岸白蘋散浴輕鷗人在碧雲深處倚高樓

張端義

字正夫自號荃翁鄞州人居姑蘇端平中應詔三上書坐妄言韶州安置有貴耳集三卷貴耳集附自作小傳大父雲莊公登辛未榜先君詠齋爲淮南漕光宗卽位初年應詔上書下後省看詳羅素薇點劉左史光祖極稱賞之將上爲時宰所沮子少苦讀書歸舉子業勇於弓馬嘗拜平齋項先生於荆南如慈湖說齋鶴山菊坡習庵皆從之遊愛作詩賦小詞盧蒲江取碧雲千里暮紅葉十分秋之句周芾仙取怨春紅艷冷之句孟藏春取蜨詩不因花退盡必是夢殘時之句凡海內名勝來吳必訪樂圃之張書桃符曰江湖旦過詩酒叢林應端平詔上第三書得旨韶州安置以螻蟻之微嬰斧鉞之威人皆危之當國者云詔以直言罪以直言非祖宗制幸脫萬死者之典故安置待宰執侍從居住待庶官

聽讀待士子自效待將軍小臣用大臣之法  
誤矣或者以安置爲竄謫之極典又非也余  
三十年前賦秋江圖一絕今白髮種種倘符  
此詩語吾志畢矣余生於淳熙之己亥書於  
淳祐之辛丑年六十有三有上皇帝三書詩  
五百首詞二百首雜著三百篇曰荃翁集

倦尋芳

見陽春白雪

曉聽社雨猶帶餘寒尚侵襟袖插柳千門相近禁煙時  
候鬢墜搔頭深舊恨臂寬條脫添新瘦卷重簾看雙飛  
燕羽舞庭花晝誰共語春來怕酒一段情懷燈暗更  
後罨畫屏山今夜夢魂還又愁墨題箋魚浪遠粉香染  
淚鮫綃透待相逢想鴛衾鳳幃依舊

趙

軌

字信可  
許人



過庭錄趙信可以才稱鄉里爲陝曹屬先子  
與之鄉舊旣在太原趙沿檄相謁於室八月  
十四夜宣使張永錫召先子會酌趙卽作一  
詞達先子云云永錫見之大喜贈上尊數壺  
先子爲求薦章僅改秩而終

夜行船

今夜陰雲初霽畫簾外月華如水露靄晴空風吹高樹  
滿院中秋意 皎皎蟾光當此際怎奈何不成况味莫  
近檐前休來窗上且放離人睡

張

潞

字東之永新人牧  
昭州有牙昭州集

劉改之龍州道人集寄張東之云見山堂上  
山如畫二十年前曾客來飛絮滿城歸不得  
江南老卻賀方回

祝英臺近 木樨

見陽春白雪

寶熏濃雲幄重瓊葉麗金蕊黛綠蜂黃秋態未憔悴繡  
簾深院黃昏著香無處人欲睡爲花重起 月如水別  
有天外樓臺玲瓏異塵世翠袖生寒祇欠素娥倚何如  
倩取西風吹將歸去爲添在廣寒宮裏

趙希邁

字端行號西里永嘉人宋史宗室世系表燕  
王德昭九世孫師僚第三子續文獻通考云

趙希邁著有西  
里棗高疎寮跋

八聲甘州 竹西懷古

見絕妙好詞

寒雲飛萬里一番秋一番攪離懷向隋隄躍馬前時柳  
色今度蒿萊錦纜殘香在否枉被白鷗猜千古揚州夢

一覺庭槐 歌吹竹西難問拚菊邊醉著吟寄天涯任  
紅樓蹤跡茅屋染蒼苔幾傷心橋東片月趁夜潮流恨  
入秦淮潮回處引西風恨又渡江來

滿江紅

見浩然齋雅談

三十年前愛買劍買書買畫凡幾度詩壇爭敵酒兵爭  
霸春色秋光如可買錢慳也不會論價任麤豪爭肯放  
頭低諸公下 今老大空嗟訝思往事還驚詫是和非  
未說此心先怕萬事全將飛雪看一閒且問蒼天借樂  
餘齡泉石在膏肓吾非詐

劉

翰

字武子長沙人  
有小山集一卷

韋居安梅磧詩話劉小山詩小窗細嚼梅花  
藥吐出新詩字字香羅子遠詩飢嚼梅花香  
透脾亦此意  
按四朝聞見錄吳雲壑留守金陵游從如儲  
用項安世周師稷劉翰王輝王明清極一時  
之彥居近東樓尤愛古梅日臨鍾王帖非其  
所心交足不至此高疎寮贈詩云一笑難陪  
珠履客看臨古帖對梅枝是劉武子早列貴  
游並聯聲氣雖仕履無考要非山林隱逸者  
比也

好事近

見陽春白雪

花底一聲鶯花上半鈞斜月月落烏啼何處點飛英如  
雪東風吹盡去年愁解放丁香結驚動小亭紅雨舞  
雙雙金蝶

蝶戀花

團扇題詩春又晚小夢驚殘碧草池塘滿一曲銀鈎簾  
半捲綠窗睡足鶯聲軟瘦損衣圍羅帶減前度風流  
陡覺心情嬾誰品新腔拈翠管畫樓吹徹江南怨

清平樂

淒淒芳草怨得王孫老瘦損腰圍羅帶小長是錦書來  
少玉簫吹落梅花晚煙猶透輕紗驚起半簾幽夢小  
窗淡月啼鴉

又

鴛鴦翡翠小小池塘水落絮游絲花滿地口日闌干獨  
倚金刀裁就春衫起來初試輕寒滿把相思清恨題

詩欲寄江南

菩薩蠻

去時滿地花陰月歸來落盡梧桐葉簾外小梅殘綠窗  
幽夢寒 明朝提玉勒又作江南客芳草徧長亭東風  
吹恨生

桂殿秋

見宋百家詩存

青帝子碧蓮宮不駕雲車騎白龍瑤池路遠羽衣濕玉  
佩泠泠明月中

又

雙玉節到神京碧杯仙露冷如水一聲金磬千花發洞

口天風吹酒醒

方信孺

字孚若，典化軍人。以廕補官，開禧中假朝奉郎，使金三往返，不諂。歷淮東轉運判官，知真州。至廣西漕，有好事。

庵游戲詩境等集

西江月

游龍隱巖

見臨桂龍巖石刻

碧洞青崖著雨紅，泉白石生寒。劫來十日九遊，山人笑

元郎太漫。絕壁偏宜疊鼓夕，陽休喚歸鞍。茲游未必

勝驂鸞，聊作湘南公案。

按孚若此詞作於嘉定八年官桂林運判時，詞前尚有追和陶

商翁五律一首。商翁名弼，永州祁陽人。曾知邕州，招納諸蠻有功，有陶邕州集。

程公許

字季與，一字希頴，號滄洲，敘州宣化人。嘉定四年進士，理宗朝累官中書舍人、禮部侍郎、權刑部尚書。

有塵缶集

四朝聞見錄真文忠謚議紫微程公許惠以尺牘曰西山謚議一段是時公許待罪奉常為博士所訂文忠二字實參考公論與長官同僚商訂累日而後敢落筆當侯稍閒錄以求教云云適感奇疾不獲從公求副墨公已去守袁州

念奴嬌

中秋玩月憶山谷共倒金荷家萬里難得尊前相屬之句悵然有懷借韻作一首見陽春白雪外集

晚涼散策恨西風不貸一池殘綠誰與水輪揮玉斧恰  
好今宵圓足樹杪翻光莎庭轉影零亂崑臺玉盪胷清  
露閒須澆下醞醪 休問湖海飄零老人心事似倚岩  
枯木萬里親知應健否脉脉此情誰屬世慮難平天高  
難問倚遍闌干曲不妨隨寓買園催種松竹



沁園春

詩餘補遺卷八  
用履齋多景樓韻

萬里飄萍送江入海過古潤州正羈懷無奈憑高縱覽  
濛濛烟雨簇簇漁舟南北區分江山形勝憂憤令人扶  
上樓沈凝久任斜飛雪片急酒貂裘 英風追想孫劉  
似黑白兩奩碁未收把烟霞饒與坡仙米老丹青難覓  
摩詰營邱斗野號風海門殘照長與人間管領愁憑誰  
問借天河一挽洗甲休門

按集韻門當侯切平聲交爭也

水調歌頭

和吳秀岩韻

馳謁倚禪榻絲髻漾茶烟誰知老子方寸歷歷著千年  
試問汗青餘幾一笑腰黃榮夢我自樂天全出處兩無

賴羸取日高眠 八千里西望眼斷霞邊  
弁蒼苔碧隨分風月不論錢  
執手還成輕別何日歸來投社玉海得  
同編經世付時傑覓個釣魚船

又

不能煩惱得掉臂便歸休前度風檣  
這回潦漉幾悠悠幸得有雲一谷更  
自有書萬卷著甚麼來由月采混魚  
目霜口沈蠅頭 相山中侯醉境將  
詩流情知薄命個樣勲業也須收  
辟邏世間萬事推放那邊一壁百尺  
臥高樓日月草頭露天地水中漚

吳

淵

字道父寧國人嘉定七年進士累官江東安撫使行宮留守兼屯田使拜參知政事封金

同宗前卷八

二

念奴嬌

牛渚

見江湖後集

我來牛渚聊登眺客裡襟懷如豁誰著危亭當此處占  
斷古今愁絕江勢鯨奔山形虎踞天險非人設向來舟  
艦曾掃百萬胡羯追念照水燃犀男兒當似此英雄  
豪傑歲月匆匆留不住鬢已星星堪鑷雲黯江天烟昏  
淮地正是斷魂時節欄干搥碎酒狂忠憤俱發

水調歌頭

杏

太白已仙去詩骨此山藏胸中錦繡如崖都乞與東皇  
碎剪杏花千樹濃抹胭脂萬點妖豔斷人腸曉露沐春

色晴日漲風光 孤邨路逢休暇共徜徉酒旗斜處一  
簇幾紅妝暫息江頭烽火無奈髩邊霜雪聊復放踈狂  
倚俟玉壺渴未肯寶鞭揚

沁園春

壽弟相國

喜我新歸逢口初度關情更深正晝掩柴扉口尋隱遯  
口舒槐府口正經綸白石清泉紫樞黃閣弟爲宰相兄  
作閒人 南園借我登臨都不怕近前丞相曠但曳履  
扶筇堪憐獨步携壺載酒每欲孤斟七袞開筵六旬屈  
指風雨對床頻上心殷勤祝道何時回首及早抽身

李

劉

字公甫號梅亭崇仁人嘉定七年進士官中  
書舍人直學士院寶章閣待制有四六標準

孫雲翼李梅亭先生小傳劉嘗從真德秀游  
丐詞科文字留欲書室指竹夫人爲題日蕪  
春縣君祝氏可衛國夫人劉援筆立成未聯  
云於戲保抱携持朕不忘乙夜之寢展轉反  
側爾尙形四方之風德秀擊節歎賞嘉熙已  
亥四月誕皇子告廟祝文劉以學士當筆以  
四柱作一聯云亥年巳月無長蛇封豕之虞  
午日丑時有歸馬放牛之兆時方有蜀警人  
咸賞其中的  
按鐵網珊瑚載吳匏庵跋東坡葉操帖紙尾  
八印爛然莫知爲何人所藏偶閱虞邵庵集  
至李梅亭續類稿序備述其入蜀歷守崇眉  
進總漕事并總蜀帥成都守本路憲四川都  
大賣茶買馬等司凡入印且謂公平日所得  
圖書輒以印識之

滿朝歡

壽韓尙書出守

見歷代詩餘

一點箕星近天邊  
光彩輝耀南極竹  
馬兒童盡道使君  
生日元是鳳池仙  
客曾曳履持荷簪  
筆稱觴處晚節花  
香月周猶待五夕  
誰道久拘禁掖任  
雙旌五馬蹙從  
遊逸九棘三槐都  
是等閒親植見說  
玉皇側席但朝晚  
促歸調燮功成了  
笑傲南山壽如南  
山松柏

王邁

字實之興化軍仙遊人嘉定十年進士調南  
外睦宗院教授召試學士院改通判漳州應  
詔直言爲臺官所劾削二秩淳祐中知邵武  
軍子祠卒贈司農少卿有臞軒集十六卷詞

附

齊東野語王邁爲正字因輪對及故相擅權  
理宗曰姑置衛王之事邁抗聲曰陛下則  
曰衛王再則曰衛王何容保之至耶上曰此  
狂生也邁歸鄉里自稱勅賜狂生  
按實之佐幕長沙劉後邨贈詩有策好人爭

論名高士責全之句其後削秩歸又有詩送  
之云欲去還留每自憐竟爲吾子着先鞭孤  
忠盡見萬言疏十口同登一葉船屈法相傳  
煩聖主上書俱貶魏前賢南歸定過西山下  
細把行藏告墓阡

賀新郎

呈劉後村時自桂林被召到莆又遭煩言

出了羅浮洞有多情梅花雪片殷勤相送見說翛然乘  
鶴外詩壓牛腰較重又管甚郡兒嘲弄嶺海三年持翠  
節料無時不作家山夢馳玉勒歸金鳳

原注金鳳池乃所居也

一門朱紫環昆仲看階庭森森蘭玉慈顏歡動宰相時  
來須著做且舞萊衣侍奉却不信大才難用時事多艱  
人物少便中與誰辨浯溪頌支大廈要梁棟

又 丁未守邵武宴同官

此是河清宴覺朝來薰風滿入生綃團扇太守愁眉纔  
一展且喜街頭米賤且莫管官租難辦遶砌苔錢無限  
數更蓮池雨過珠零亂儘買得凌波面 家山樂事真  
堪羨記年時荔支新熟荷筒齊勸底事來尋蕉鹿夢羸  
得乾忙似箭笑富貴都如郵傳做了豐年還百姓便蕙  
鱸歸興催張翰看卿等上霄漢

鄭清之

字德源初名燮字文叔鄞縣人嘉定十年進士史彌遠薦爲魏憲王府教授理宗嗣位以

定策功累拜太傅左丞相封魏國公致仕

卒封魏郡王謚忠定有安晚堂集七卷

癸辛雜識清之淳祐再相政事多出姪孫太

原手昏繆貪汙有人作詩譏之云先生自號



為安晚晚節何為不自安  
梅磳詩話鄭安晚未貴時賦冬瓜詩云翦翦  
黃花秋後春霜皮露葉護長生來籠統君  
休笑腹內能容數百人宰相器寬已於此詩  
見之

念奴嬌 菊

見陽春白雪

楚天霜曉看老來秋圃寒花猶在金闕栽培端正色全  
勝東籬風采雅韻清虛幽香淡泊惟有陶家愛由他塵  
世落紅愁處如海 多少風雨飄搖夫君何素晚節應  
難改休道三閭曾舊識輕把木蘭相對延桂同盟牽梅  
為友不復嬌春態年年秋後笑觀芳草蕭艾

姚

鏞字希聲一字敬庵號雪蓬剡溪人嘉定十年  
進士為吉州判以平寇功擢贛州太守有雪

蓬集

按鶴林玉露姚希聲擢守章貢忤帥臣以貪  
劾之時端平更化之初施行特重貶衡陽戴  
石屏集懷希聲使君云一官不幸有奇禍萬  
事但求無媿心想像騎牛開畫卷丁寧回雁  
寄來音

謁金門

見陽春白雪

吟院靜遲日自行花影熏透水沉雲滿鼎晚粧窺露井  
飛絮游絲無定誤了鶯鶯相等欲喚海棠教睡醒奈  
何春不肯

周 弼

字伯弼汝陽人文璞之子嘉定間  
進士江夏令有端平詩集四卷

李蘄端平詩集序稱與伯弼同庚同萬里相  
與三十餘年嘗手刊端平集十二卷行世又

稱伯弼十七八時卽博聞強記侍乃翁晉仙  
長而四十年間宦遊吳楚江漢又稱伯弼名  
振江湖人皆爭先求市但卷帙中有未能曉  
者多恐有不行之弊茲摘其坦然者兼集外  
所得者二百餘首目曰端平詩傳

二郎神

西施浣紗磧

見陽春白雪

浪花皺石虺夜月欲移還定想白苧烘晴黃蕉攤雨人  
整斜巾照領剪斷鮫綃何人續黯夢想秋江楓冷空露  
漬藻鋪雲根苔螿指痕還影重省五湖萬里誰問烟  
艇料寶像塵侵玉瓢蛛鎖羞對菱花故鏡領畧鴉黃破  
除螺黛都付渚蘋汀荇春醉醒暮雨朝雲何處柳蹊花

逕

浣溪沙

撲撲精神的香茶麝一朵晚來粧  
雛鶯葉底學官商  
著意勸人須盡醉扶頭中酒又何妨  
綠窗花影日偏長

韓

嚶字子暉文獻通考韓  
嚶有蕭間詞一卷

高陽臺

除夜

見陽春白雪

頻聽銀籤重然絳蠟年華袞袞驚心  
餞舊迎新能消幾刻光陰  
老來可慣通宵飲待不眠還怕寒  
侵掩清尊多謝梅花伴我微吟  
鄰娃已試春粧了更蜂腰簇翠燕  
股橫金勾引東風也知芳思難禁  
朱顏那有年年好逞

艷游羸取如今恣登臨殘雪樓臺遲日園林

浪淘沙

莫上玉樓看花雨斑斑四垂羅幕護朝寒燕子不知人  
去也飛認闌干 回首幾關山後會應難相逢祇有夢  
魂間可奈夢隨春漏短不到江南

又 豐樂樓

裙色草初青鴨鴨波輕試花霏雨濕春晴三十六梯人  
不到獨喚瑤箏 艇子憶逢迎依舊多情朱門祇合鎖  
娉婷却逐彩鸞歸處路香陌春城

長相思

郎恩深妾恩深祇爲恩深便有今回紋辜舊吟 雲沉  
沉水沉沉一點堅如百鍊金郎應知妾心

又

杜娘家謝娘家樓壓官橋柳半遮簾波漾彩霞 拾飛  
花怨飛花望斷郎來日又斜東風吹鬢鴉

又

夜蕭蕭夢蕭蕭又趁楊花到謝橋風沉明月簫 來迢  
迢去迢迢枉把吟箋寄寂寥飛鴻不受招

邵

博

字公濟康節之孫伯溫之子著聞見後錄三十卷

按聞見後錄彙輯疑孟諸說至盈三卷證碧雲殿出梅聖俞之手記王子飛事稱佛法之

靈記湯保衡事推道教之驗論晏元獻薄葬之非詆趙忠簡宗洛學之謬持論偏雜有乖康節家法

念奴嬌

梅

見歷代詩餘

天然瀟灑盡人間無物堪齊標格只與姮娥爲伴侶方  
顯一家顏色好是多情一年一度首作東君客竹籬茅  
舍典型別是清白惆悵玉杵無憑藍橋人去空鎖神  
仙宅今日天涯慙馬上忽見輕盈冰魄恰是當年溫柔  
鄉裏曉看新妝額臨風三嗅挽條不忍空摘

楊

纘

字繼翁嚴陵人居錢塘寧宗楊后兄次山之孫號守齋又號紫霞翁圖繪寶鑑云度宗朝女爲淑妃官列卿好古博雅善琴有紫霞洞簫譜傳世時作墨竹

詞源近代楊守齋精於琴故深知音律有圖  
法周美成詞與之游者周草窗施梅川徐雪  
江奚秋崖李商隱每一聚首必分題賦曲持  
律甚嚴一字不苟作  
守齋作詞五要第一要擇腔腔不韻則勿作  
如塞翁吟之衰颯帝臺春之不順隔浦蓮之  
寄煞闕百花之無味是也第二要擇律律不  
應月則不美如十一月調須用正宮元宵詞  
必用仙呂宮爲宜也第三要填詞按譜自古  
作詞能依句者已少依譜用字者百無一二  
詞若歌韻不協奚取焉或謂善歌者融化其  
字則無疵殊不知詳製轉折用或不當卽失  
律正旁偏側凌犯他宮非復本調矣第四要  
隨律押韻如越調水龍吟商調二郎神皆合  
用平入聲韻古詞俱押去聲所以轉摺怪成  
不祥之音第五要立新意若用前人詩詞意  
爲之則蹈襲無足奇者須自作不經人道語  
或翻前人意便覺出奇

八六子

牡丹次白雲韻

見絕妙好詞



怨殘紅夜來無賴雨催春去匆匆但暗水新流芳恨蝶  
凄蜂慘千林嫩綠迷空 那知國色還逢柔弱華清扶  
倦輕盈洛浦臨風細認得凝妝點脂勻粉露蟬聳翠藥  
金團玉成叢幾許愁隨笑解一聲歌轉春融眼朦朧凭  
闌干半醒醉中

一枝春

除夕

竹爆驚春競喧填夜起千門簫鼓流蘇帳暖翠鼎緩騰  
香霧停杯未舉奈剛要送年新句應自有歌字清圓未  
誇上林鶯語 從他歲窮日暮縱閒愁怎減劉郎風度  
層蘇辦了迤邐柳欺梅妬官壺未曉早驕馬繡車盈路

還又把月夜花朝自今細數  
武林舊事云守歲之詞雖多極難其選獨守齋一枝  
春最爲近世所稱

被花惱 自度腔

疏疏宿雨釀寒輕  
簾幙靜垂清曉  
寶鴨微溫  
瑞烟少簷  
聲不動春禽對語  
夢怯頻驚  
覺敲珀枕倚銀床  
半窗花影  
明東照  
惆悵夜來風  
生怕嬌香混  
瑤草披衣便起  
小徑迴廊處處多行到  
正千紅萬紫競芳妍  
又還似年時  
被花惱  
驀忽地省得而今雙鬢老

余

玠

字義夫蘄州人少爲白鹿洞諸生趙葵爲淮東制置使玠作長短句上謁葵壯之留之幕中以功補進義副尉擢將作監主簿官至兵部侍郎四川安撫制置使寶祐元年召拜資

政殿學士李

宋史有傳

隱居通議余制帥玠鎮蜀有桃符句云威行玉斧山河外春在金符掌握中按玉斧事乃太祖開基時閱輿地圖偶持玉斧因以柄畫其分界非刀斧也乃金杖子長四五尺以片玉冠其首人主間步則持之神祠中素繪儀從猶或存此

按史稱玠治蜀當諸將散法之時首誅都統王夔政令肅然頗著威望其後欲革軍中舉代之弊統制姚世安恃丞相謙方叔爲援與之力抗遂鬱鬱以及蜀士深惜之玩詞中結語云云亦足驗其平居蘊抱矣

瑞鶴仙

見陽春白雪

怪新來瘦損對鏡臺霜華零亂鬢影胸中恨誰省正關山寂寞莫天風景貂裘漸冷聽梧桐聲敲露井可無人

爲向樓頭試問塞鴻音信 爭忍勾引愁緒半掩金鋪  
雨欺燈暈家童困卧呼不應自高枕待催他天際銀蟾  
飛上喚取嫦娥細問要乾坤表裏光輝照余醉飲

留元崇

字積翁

劉後村集答留通判元崇云不見龍驤與驥  
馳紛紛蟲篆鬪蛛絲君侯傑出南方者老僕  
終當北面之憶玉樹枝勞遠夢熏薔薇水讀  
來詩自慙眼力非關令紫氣浮空憎不知  
見陽春白雪

菩薩蠻

江頭日落孤帆起歸心拍拍東流水山遠不知名爲誰  
迢遞青危橋來處路尙帶瀟湘雨楚尾與吳頭一生

離別愁

詞綜補遺卷八